

Kay. May. mein allergnädigster Kayser vnd Herr / 22.
 mir darüber / vnd auff andere dergleichen Astronomi-
 sche Tractat. vnd Calender / die ich künfftiglich / wils
 Gott / schreiben / vnd in den Druck werde außgehen
 lassen / derselben Kayserlich Privilegium newlich aus
 Gnaden gegeben / des Inhalts / daß solche Observa-
 tiones, Tractatus vnd Calender / bey hoher Straff nicht
 sollen nachgedruckt werden / wie hiebevör von etlichen
 ungebührlicher weise geschehen ist / als habe ich nicht
 vnterlassen können / gedachtes mein Astrolabiū, welches
 ich dazumahl verfertiget hatte / aber wieder eine gute
 zeitlang ruhen lassen / wieder aus dem Schlass aufzu-
 wecken / herfür zubringen / 22. vnd es drucken zu lassen /
 auch das Buch darzu / nach bestem meinem Vermögen
 geendert / vñ so viel mein schlechter einfeltiger Verstand
 vermöcht / verbessert / vnd der Jugend vnd allen Liebha-
 bern der Astronomischen vnd Geometrischen Kunst
 zum besten / mit Göttlicher Hülffe in den Druck verfer-
 tiget / welches sol ein Vorleuffer sein meines ikt vorha-
 benden newē Tractatus de Observationibus Planetarū,
 so hiernechst auch / so Gott wil das ich leben sol / bald
 hernacher folgen sol / auff das ich meiner vorigen ge-
 schehenen Zusag ein Genügen thun möge vnd könne.
 Weil nun Gnädiger Fürst vnd Herr / E. S. G. mir zu
 diesen vnd andern dergleichen Geometrischen Künste /
 wie vorgemeldet / alle gnädige Beförderung erzeiget

B

haben /